

四庫全書

子部

欽定四庫全書

子部

普濟方卷三百六十四

詳校官太醫院醫士臣趙正范

編修臣倉聖脈覆勘

總校官進士臣繆琪

校對官中書臣朱忻

謄錄監生臣汪緣

欽定四庫全書

普濟方卷三百六十四 明 周王朱橚 撰

嬰孩頭眼耳鼻門

眼生翳膜

附論

夫眼是腑臟之精華肝之外候而肝氣通於眼也小兒
臟腑積熱熏漬衝發於眼初覺熱痛熱氣蘊積變生障
翳熱氣輕者生白翳結聚小者如黍米大者如麻豆隨
其輕重生翳重者乃至兩三層也若生翳而白障者是

病重極偏覆黑睛滿眼悉白則失明也其障有輕者黑睛邊微有白膜來侵黑睛漸染散漫若不早治則滿眼併生白障又眼翳暈者五臟煩壅攻於肝也或者內傷於風熱赤澁痛或腦熱下流或斑瘡入眼侵黑睛者是也

車前子湯 治小兒肝熱眼生翳膜或生血輪腫脹

車前子

防風

去

甘菊花

甘草

炙

人參

薪藁子

青箱子

各三分

梔子仁

黃連

去

鬚各

半兩

右麤搗篩每服一錢水一盞入淡竹葉七片煎至五分去滓溫服日三量兒大小加減

決明丸 治小兒肝臟壅熱眼生翳障

決明子 車前子 菊花 川芎 宣連 當歸

大黃 紫參

各等分

右為末煉蜜丸如小豆大三歲三十丸燈心湯下食後一方煎桑枝湯麥門冬熟水亦可以意加減服之
蕤仁丸 治小兒熱盛翳膜侵睛兼赤眼疼痛并眼生

赤翳

蕤仁

湯浸去皮
搗一兩半

兔肝

炙

梔子仁

黃芩

去黑
心

黃連

去鬚各
半兩

升麻

決明子

各三
分

細辛

去苗葉
一分

右為末煉蜜丸如菉豆大每三九至五九溫水下早
晨日晚各一服更隨兒大小加減一方無黃芩有羚羊
羊角屑名兔肝丸

龍腦飲

治小兒肝受病目昏漸生翳膜散漫侵睛因

此失明須內外治之

龍膽 鈎藤 土瓜根 茯神 去木各半兩 甘草 炙

桑根白皮 炙 防風 去叉各一分

右麤搗篩每一錢水一盞入棗半枚同煎至六分去

滓分作二服量兒大小加減早晚服

鎖肝散 治小兒痰熱退翳膜 一名鎮肝散

胡黃連 梔子仁 各一兩 甘草 炙 馬牙硝 青箱子

各半兩以上各為細末次入 真珠 牛黃 並研各一分

右都拌勻細研每服一錢水八分荊芥薄荷各少許

煎四分去滓溫服食後

旋覆花散

出聖惠方

治小兒從下生赤膜上漫黑睛

旋覆花

桑根白皮

剉

羚羊角屑

赤芍藥

玄參

以上各一分

甘草

半分炙微赤剉

黃連

半分去鬚

右搗為散每服一錢水一小盞入竹葉七片煎至五分去滓日三四溫服量兒大小加減

真珠膏

出聖惠方

治小兒熱風眼生翳膜

真珠末

龍腦

麝仁

湯浸去皮

膩粉

朴硝

青鹽

硃砂

以上各一分

右研如粉酥和如膏每點如黍米大日三四度點之

麤仁煎點方

出聖惠方

治小兒眼生翳膜瞳人昏昧

麤仁

一分湯浸去皮

黃丹

半分并鹽

半分黃連末

一兩龍腦半錢

麝香

一錢蜜五兩

右除麝香龍腦蜜外先将麤仁等都細研以水一大

盞入蜜同煎令稀稠得所用新綿濾去滓入麝香龍

腦末調勻入甕器中盛每用銅筋點少許日兩度神

効

羗菊散

出全
嬰方

治小兒肝臟壅熱眼生膜翳及治赤眼班

瘡毒

羗活

防風

山梔子

各一分

甘草

菊花

白蒺藜

炒去刺
各半兩

右為末三歲半錢蜜湯調下食後日三服大小以意

加減

通神散

治小兒斑疹毒氣入眼雲翳失明

石決明

燒粉一分

硼砂

錢一

粉霜

錢一

片腦

字一

硃砂

錢半

右研勻每用一字乳汁調隨左右耳灌之日三次

黃芩湯

出聖惠方

治小兒五歲以下肝臟熱毒目生丁翳

黃芩

去黑心

升麻

甘草

炙剉各半兩

姜薤

玄參

犀角

鎊各一分

右麤搗篩每一錢水七分煎四分去滓分溫二服量

兒大小加減日三四服

黃芩散

出聖惠方

治小兒眼生翳膜體熱心煩

黃芩

決明子

防風

去蘆頭

川升麻

大黃

炒劉微

甘草

炙微赤劉以
上各一分

右搗為散每服一錢水一小盞入淡竹葉七片煎至

四分去滓溫服日三四服量兒大小加減

殺羊角散

出聖惠方

治小兒眼生白翳

殺羊角屑

川大黃

劉微炒

桑根白皮

劉

真珠末

甘菊花

以上各一分

甘草

半分炙微赤劉

右羅為散每服溫水調下半錢日三四服量兒大小

加減

苦竹葉散

出聖惠方

治小兒眼生翳膜下垂

苦竹葉

半兩

知母

川升麻

川大黃

剉微炒

甘草

炙微赤剉

梔子仁

以上各一分

右為細末三五歲者每日於食後溫淡漿水調下半

錢稍大以意加之

龍腦膏

出聖惠方

治小兒眼赤生翳膜

龍腦

細研

麝香

細研

膩粉

麝仁

湯浸去皮

黃連

去鬚以上各半分

馬牙硝

半兩

右搗為散都研令勻加白蜜四兩同於甕瓶中密封頭於炊飯甑內蒸飯熟為度每日三四度以銅筋取少許點之

蟬青煮肝散 治小兒疳氣斑疹雲昏翳膜一切病眼

穀精草

去土

蟬殼

去嘴足土

定粉

蛇蛻皮

長二寸

石決明

各等分

右為細末每服二錢猪肝二兩竹刀批開摻藥了捲

麻扎定米泔煮熟分三五次熟鹽細嚼煮肝湯送下
如瀉加定粉半兩

決明子散 治小兒眼赤或生翳膜或眼常合不開

決明子 車前子 梔子仁 防風

去翳
黃連
各一

兩
半

右為散每服一字至半錢搗生豬肝投熱湯取汁調
下早晨日晚各一服更量兒大小加減

青箱子丸

出聖
惠方

治小兒眼有翳膜遮睛

青箱子

蚺蛇膽

熊膽

馬牙硝

各半兩

龍腦

半錢

右搗為末煉蜜丸如菉豆大每服以溫水研化五丸
日三四服量兒大小加減

石決明散

治小兒眼生翳膜

石決明

一分搗研令細

龍腦

半錢

膩粉

一錢

黃丹

一錢

麝香

半錢

右同研極細每於臥時取少許點之

還明丸

出全嬰方

治小兒疳眼白膜遮睛并雀目

夜明沙

井泉石

穀精草

蛤粉

各等分

右為末煎黃蠟丸如鷄頭大三歲一丸猪肝一片切開嵌藥在內麻扎定沙瓶內煮熟先熏眼後食之

煮肝散

治小兒疳眼翳膜沙澁

黃連

去鬚

沙參

玄精石

決明子

右等分搗羅為散每半錢用羊子肝一片篦子切作縫子摻末在內線繫入沙罐子內垂掛勿令到底以米泔煮熟食羊肝每一片分作兩服或三服量兒大小與食

真珠膏

醫方妙選

治小兒眼久不瘥眊眊不見物

真珠末

甘菊花末

香豉

炒研末

井泉石

各一分

右研勻用白蜜一合鯉魚膽一枚同前藥慢火熬成膏次入好龍膽一錢拌勻每用少許時時點眼中

治小兒眼生障翳及努肉宜點此方

出聖惠方

龍腦

珊瑚

真珠末

石決明

以上各等分

右研如粉以白蜜一合相和更研令勻以麤器盛不計時候相與點之即瘥

治小兒眼生翳膜

出經驗良方

白菊花

穀精草

菴豆皮

各等分

右為細末用猪肝搗細為丸如茱子大每服三五十丸茶清送下或猪肝蘸藥喂之

惡實散

治小兒風翳散漫侵瞳人及風疳眼

惡實

木通

剉

蒺藜子

炒去角各一兩

右為散每服半錢以水搗羊子肝汁調早晨日晚各一服更量兒大小加減

治小兒眼生黑翳覆瞳子方 出聖惠方

空青

一分

貝齒

一枚

白礬

一錢

右研令細取如黍米大點翳上日再點之

治小兒出瘡疹眼內有雲翳方

輕粉

黃丹

各等分

右用竹筒吹在耳內左眼有翳吹右耳內右眼有翳

吹左耳內即退

至妙立消膏

出活幼口議

治小兒眼患初作粟翳浮翳或來

或去漸發差大侵睛臧明

用雪白食鹽生者少許須以淨器以大燈心點鹽
輕手指定浮翳就翫凡三五次點見効令子勿驚
恐不痛疼亦不礙人多投之勿慮屢用尅効

珊瑚散

出聖惠方

治七八歲小兒眼有翳未堅不可妄傳

藥以點

用珊瑚細研如粉每日少少點之日三立愈

治小兒目睛上白膜

出直指方

用白礬一分水四合熟銅器中煎取半合少許白
蜜調之以綿濾過每日三度點一芥子大

貝齒入龍腦方

出聖惠方

治小兒黑花眼翳澀痛

用貝齒一兩燒作灰研如麴入少龍腦點之 又
去目翳貝子十枚燒灰細研取一胡豆大着眼上
卧如炊石米久乃減 息肉者加真珠與貝齒等
一方單用貝齒研如粉點眼赤及翳

治小兒眼生白膜方

出聖惠方

用雄雀糞以人乳汁熟研傅翳上當漸漸消除

又方

出聖惠方

治小兒眼有障翳

用馬腦半兩細研如粉每用時取如黍米大點在

翳上

又方

出聖惠方

用楸葉三兩嫩者爛搗以紙裹更將泥重包着猛火燒之候泥乾即取去泥入水少許絞取汁以銅器盛慢火漸漸熬之令如稀飴即貯於甕合中每

日一度點一菴豆許

又方

用書中白魚為末點少許翳上即愈

又方

用露蜂房一兩以水二盞煮五七沸去滓溫溫洗之即瘥

洗肝散 治眼生翳膜視物難明或尋常赤痛

人參

錢一

荊芥穗

錢半

生地黃

錢一

酒浸

當歸

錢一

甘草

錢二

赤芍藥

錢一

大黃

半錢煨

茯神

錢一

大澤草

半錢

右為末每服半錢清米泔調下

蒲黃散

治小兒肝熱上攻眼生翳膜

蒲黃

一分

黃連

白芨

各半兩

黃蘗

去麋皮二錢

赤小豆

一兩

右件同為細末每用一錢井花水調作膏子封貼顙

上日一易之

煮肝散

治小兒肝眼翳膜羞明不見物服十日必退

下如大人雀目只一服効

夜明沙

青蛤粉

穀精草

各一兩

右件為末每服一錢五七歲以上二錢猪肝一匙
大批開糝藥在內攤勻麻纏定淘米泔水半碗煮肝
熟取出肝湯傾碗內薰眼後溫湯分肝三服嚼喫並
用肝湯下一日三服不拘時候大人雀目空心服至
十服便見物如患多時日三服

治癰後小兒眼有翳膜

煎竹葉湯同沙糖化下瀉青丸一兩丸漸至微利

為効

目偏視通睛附論

夫目偏視者皆由心肝臟風邪所攻瞳人不正顧視常偏宜服羚羊角散牛黃散治之小兒通睛外障者此眼初患之時皆因失悞築打着頭面額角倒蹙撲下令小兒肝受驚風遂使眼目通睛宜服牛黃丸犀角飲子通頂石南散立効

歌曰嬰兒兩目患睛通欲擬看西又着東振着腦中

睛帶轉肝中受得內驚風牛黃犀角頻研灌細搗石
南吹鼻中乳母牽連須忌口數朝方得舊時容

方

羚羊角散 治眼風邪所攻瞳人不正顧視常偏宜服

羚羊角屑

一兩半

犀角屑

蜜蒙花

各一兩

龍腦

研

牛黃

各一分研

天竺黃

研甘草

炙微赤

硃砂

研各半兩

防風

人參

沙參

各去蘆

赤芍藥

甘菊花

細辛

酸棗仁

微炒

蔓荊子

麝仁

湯浸去赤皮

玄參

各一兩

右為散入研了藥更研令勻每於食後以竹瀝湯調

下二錢

牛黃散 治心肝臟風熱攻眼偏視宜服之

牛黃一錢細研 人參 防風各去蘆 犀角屑 甘菊花

天麻 槐子 芎藭 車前子 決明子 蔓荊

子 黃耆剉各半兩 硃砂一分細研 龍腦一錢研 甘草一分炙赤

羚羊角屑半兩

右為末入研了藥同研令勻每於食後以竹葉湯調

下一錢臨卧再服

牛黃丸

牛黃 白附子炮 肉桂 全蝎 芎藭 石膏各一

分燒
通赤

白芷

藿香

各半
兩

硃砂

二錢

麝香

一分

右為末煉蜜丸芡實大三歲以下每服一丸薄荷湯
化下乳食後乳母忌酒麪猪肉

犀角飲子

犀角

一兩 射干

草龍膽

各半
兩

鉤藤

三分

黃芩

五分

人參

二
兩 茯苓 甘草 各一分 遠志

右為末以水一盞散一錢煎至五分食後去滓溫服
牛黃膏 治嬰兒雙眼睛通者欲觀東邊則見西若振
掉頭腦則睛方轉此肝受驚風宜服

牛黃 一錢 犀角 二錢 金銀箔 各五片 甘草 一分

右為末煉蜜丸菴豆子大每服七丸用薄荷湯吞下
食後服

通頂石南散

石南

一兩

藜蘆黃

二分

瓜蒂

五七箇

右為細末每用一錢粳米少許一日兩度通頂為妙

眼瞼生贅

附論

夫小兒瞼中生贅外障此眼初患之時皆因脾胃壅熱上衝於眼瞼皆之中致令生肉初時即小如麻米後三五年間如豆大摩隱瞳人赤澁淚出切莫鉤割散去瘀血後乃熨烙即効宜服搜胃散補肝丸點曾青膏即瘥歌曰小兒眼瞼贅雖稀學療之流也要知初即小如

麻米大日深漸長豆珠垂亦須割烙流瘀血斟量湯藥在臨時若逢高貴嬌兒女點藥還須得妙奇

方

搜胃散

大黃 桔梗 黑參 防風 車前子 細辛

芒硝

黃芩

各等分

右為末以水一盞散一錢煎至五分食後去滓溫服

補肝丸

芎藭

葉本

五味子

細辛

各一兩

羌活

一兩半

羌蔚子

二兩知母

右為末煉蜜丸如梧桐子大空心茶下十九

曾青膏

曾青

一兩龍腦

少許

乳香頭

牙硝

琥珀

真珠

各一

分

右研如麴入酥和為膏每至夜後點眼

青育外障

附論

夫眼無障翳而不見物者謂之青盲此由小兒臟內有
停飲而無熱但有飲水停積肝也目是五臟之精華肝
之外候也肝氣通於目肝為停飲所積臟氣不宣通精
華不明審故不赤痛亦無翳而不見物名曰青盲也
小兒青盲外障此眼初患之時於母胎中忽受驚邪之
氣令生後五七歲以來便乃患眼其初患之時夜卧多
驚嘔吐痰涎黃汁漸漸失明還從一眼先患後乃相牽
俱損致使然也初覺便宜將息急療服牛黃丸犀角飲

子立効

歌曰胎中受得風邪氣五臟相連各有名天弔只因
心領得目盲肝細是前成痰涎嘔吐黃汁甚神彩時
時忘與驚兩眼若能救見物服藥良醫始見能

方

牛黃丸

牛黃 牛膽 鈎藤 各半兩 羚羊角 藿香 人參

麝香

各一兩 虎睛 少許

右為末煉蜜丸如梧桐子大空心薄荷湯下三丸七歲以上五丸

犀角飲子 出龍木論

犀角 防風 芍藥 黃芩 各一兩 羚羊角 知母

人參 半兩

右為末以水一盞散一錢煎至五分食後去滓溫服

羊子肝散 出聖惠方 治小兒青盲不見物

麝仁 一分湯浸去皮 防風 一分去蘆頭 香豉 一分炒黃 井泉石 半兩細研

右搗為散用羊子肝一片并藥同煮肝令爛四五歲
兒分作二服新汲水下甚者不過三四服隨兒大小
加減

菊花散 治小兒青盲外障及雀目

甘菊花

分

牯牛膽

一枚陰乾

寒水石

分

雌雞肝

一枚陰乾

右搗為散取豬肝血調下半錢不過三五服驗兼退

翳

治小兒青盲眈眈不見物方

出聖惠方

真珠

半兩研
如粉

白蜜一合 鯉魚膽一枚

右相和煎一兩沸候冷點眼中當淚出藥歇即効

治小兒青盲不見物方

出聖惠方

鼠膽

鯉魚膽

各二枚
取汁

右相和點眼用之即効

治小兒青盲腦痛方

出聖惠方

鯉魚腦

鯉魚膽

各等分

右為相和令勻點背中日三四度神効

又方 出聖惠方

用猪膽一枚微火上煎之良久候冷點如黍米大
効

疳眼外障 附論

夫小兒疳眼外障此眼初患之時皆因腦熱頭上有瘡
或因雀目多時瀉痢潛衝疼痛淚出難開隔間熱氣肝
風入眼初患時時痒澁擣眉咬甲揉鼻致令翳生赤腫
疼痛淚出難開間更白膜遮瞞怕日合面而卧不喜握

頭此疾不宜燒灸頭面恐損眼也尤忌點眼即宜服煞疳散退翳丸立効

歌曰小兒疳眼有自來腦熱肝風變禍灾或因瀉痢
潛衝上雀目多時亦是媒初患之時饒痒澁病深生
翳腫難開手搥頭髮兼揉鼻怕見光明頭不擡拙計
便將頭面灸相遭疼痛實堪哀庸醫不解輕輕點疼
看瘡痕痛不才欲得痊瘥求合道服藥如風捲霧開

方

生乾地黄湯 治小兒疳蝕眼患閉合不開羞明怕日
及至開眼有如內障朦朧失所宜服

生乾地黄

熟乾地黄

各一兩
酒洗

麥門冬

去心
半兩

川當

歸

一分枳殼

未泔浸一宿
麩炒秤一分

杏仁

湯泡去皮尖
麩炒令赤

防風

甘草

炙赤芍藥

各一分

右咬咀每一大錢水一小盞黑豆七粒煎黑豆熟去
滓通口服一方無黑豆

退翳丸

出龍木論

黑參 防風 人參 茯苓 細辛 桔梗 車

前子 黃芩 石決明

各一兩半

右為末煉蜜丸如梧桐子大空心茶下十丸

煞疳散

出龍木論

防風 龍腦 牡蠣

各二兩

白芷 五味子 細辛

各一分

右為細末每日食前米飲調下一錢

如聖散方

出王氏博濟方

治小兒因瀉痢日久眼生翳膜并疳

眼退翳

蛇蛻

兩條用紙
燭燒灰研

穀精草

一兩
蟬蛻
去土
一分

附子

去皮
生二錢

石決明

剉淨
一分

胡粉

研四錢

右為散每服一字半羊子肝一片批破摻末用麻皮線纏米泔煮熟先熏眼後與食量大小加減如未能食研灌之

井泉石散

出醫方
妙選

治眼疳邪熱攻於眼目漸生障翳致

損睛腫

井泉石一兩石決明半兩甘菊花半兩夜明沙半兩黃連微炒

半兩去翳晚蚕沙半兩
微炒

右為細末每服一錢用米泔一盞入生猪肝少許煎五分肝爛為度放溫時時服乳食後

二草散 治小兒疳眼睛疼及赤眼腫痛

甘草 龍膽草 當歸 細辛
各一分

右為末三歲一錢水半盞沙糖少許煎三分去滓食後服三黃丸亦治疳熱眼若因瀉痢後疳昏澁大便不

實者六神丸六甲丸并暖疳藥亦可服之

撥雲膏 治小兒風熱疳氣攻眼赤痛障翳

桃仁

杏仁

各四枚並去皮尖雙仁

麩仁

郁李仁

各五枚去皮

右同生研細瀝入蜜龍腦麝香膩粉各少許再研極勻點之

鷄肝散 治小兒疳見明不得不赤不腫不痛但開眼不得者此藥能治之

川烏頭

大者一枚生去皮

好坯子

二字

右為末五歲一錢雄鷄肝一具洗淨去筋膜竹刀子
薄切開摻藥在內箬葉裹麻皮扎定用第二次米泔
半盞磁器中煮熟放冷切作片子空心臨卧嚼喫將
煮肝湯送下又有腦熱閉目者鼻內乾燥通頂散可
服

神光湯 治小兒腦熱疳熱閉目不開并腦疼

以川大黃一分粗末水半盞浸一宿一歲分作兩
服餘滓塗頂上乾易之通頂散亦治

瘡入眼外障

附論

夫小兒斑瘡入眼外障此眼初患之時不論大小須患
斑瘡一度瘡子患時覺入眼中即須將息慎忌若忌
口將息即便疼痛赤而澁怕日難開腫硬翳如銀色此
為熱氣在肝上衝於眼肝膈壅毒致成障翳宜用秦皮
湯洗之然後服涼肝丸亦不宜鎌洗出血點藥挑撥恐損
眼候疼痛定後即點退赤藥

歌曰夫為人子既生身須患斑瘡不可論熱氣透肝衝

上眼難開皮腫且羞明疼時淚出翳如銀不要強將
兩手親却恐叫啼傷破後須知此語是慇懃秦皮煎
水須頻洗眼藥應教微點勻謹者若能依得此遺君
終老是全人

方

涼肝丸

防風一兩 黃芩 羌蔚子 黑參 大黃 知母各一

兩 人參 茯苓各一兩半

右為末煉蜜丸如梧桐子大空心茶下十丸

秦皮湯

秦皮

二兩

秦艽

細辛

防風

各一兩

甘草

半兩

右為末以水一盞散一錢煎三五服熱淋洗眼立効

鱖血方 治小兒豆瘡入眼生翳

用鱖魚繫其尾而垂之從頂下割破些少取生血
點得白鱖尤佳若翳已凝即用南礪沙以燈心蘸
點仍用威靈仙仙靈脾等物為末每一錢法吊二次

米泔調服

消翳丸 治小兒斑瘡眼生障翳

硃砂

指甲末

不拘男子婦人先入水內淨洗指甲拭乾用木賊草打取細末

右件等分再同研令極細以露水搜和丸如芥子每用一粒於夜卧時以新筆蘸水點在眼內夜半更點一粒

緣目生瘡

附論

夫小兒緣目生瘡者由風邪客於瞼眥之間與血氣相

搏挾熱則生瘡浸漬緣目赤而有汁時瘡時發世云小兒初生之時浴而不淨使露穢浸漬瞼眥後遇風邪發則目赤爛生瘡難瘥瘥後還發成疔也

方

犀角散 治小兒赤眼疼痛緣目生瘡難開澁痛及有熱淚

犀牛角 羚羊角屑 防風去蘆頭 玄參 黃芩

黃耆判以上各一分 柴胡半兩 川大黃半兩 馬牙硝半兩

右搗為散每服一錢水一小盞煎至五分去滓溫服
日三四服量兒大小增減

黃連散 治小兒肝熱衝眼緣目生瘡

黃連

半兩
去鬚

赤芍藥

麝仁

湯浸
去皮

木通

剉

決明子

梔子仁

黃芩

甘草

炙微赤剉以
上各一分

右搗為散每服一錢水一小盞入竹葉七片煎至五
分去滓溫服日三四服量兒大小加減

細辛丸 治小兒緣目生赤瘡及生翳

細辛

黃連

去鬚

蘆薈

桑根白皮

剉

甜葶藶

隔紙炒令

紫色以上各一分

麝仁

半兩湯浸去皮

龍腦

半錢細研

右羅為末煉蜜丸如菉豆大每服以溫水下七九日

三服三歲已上即服五丸

白礬煎

治小兒緣目及眥爛作瘡腫痛

白礬

一分燒為灰

黃連

半兩去鬚

青錢

十文防風

三分去蘆頭

朴硝

三分地黃汁

一合白蜜

三合

右搗為散用綿裹內一青竹筒中入地黃汁及蜜以

絹油單蓋繫繫筒口於炊飯內蒸之候飯熟即瀉出
以綿濾過日三四度取少許塗之

黃連丸

治小兒緣目及眚爛作瘡

黃連

半兩
去鬚

川大黃

劉微
炒

細辛

龍膽

去蘆
頭

防風

去
蘆

頭

玄參

以上各
一分

右羅為末煉蜜丸如菉豆大每服以熟水下五丸日
三量兒大小加減

龍腦煎

治小兒風熱致緣目生瘡赤痛

龍腦

半錢

川芒硝

一分

膩粉

半兩

蜜

三兩

黃丹

一分

右同入筒內以重湯煮一日用綿濾過於甕瓶內盛
每日三四度點之

黃連煎

治小兒眼赤痛及緣目生瘡

黃連

半兩
去鬚

童子虻蟲

五條吐
出者

龍腦

半錢
細研

蜜

二兩

右除龍腦外入在甕瓶中於炊飯中蒸候飯熟為度
以綿濾去滓取汁入龍腦令勻日三四度點之

梨汁煎

治小兒熱毒衝眼緣目生瘡熱疼不止

大鵝梨

一枚去皮核

黃連末

二錢 龍腦一錢

右先將梨爛研絞出汁綿裹黃連末於梨汁內浸半日入龍腦令勻日三五度點之

猪膽煎

治小兒緣目生瘡腫痛

猪膽

一枚

龍腦

一錢

馬牙硝

半錢

右研令勻內猪膽中牢繫懸於旺方陰乾取出內薺合中每以麻子許水化日三四上點之

又方

黃連

半兩
去鬚

杏仁

一分湯浸去
皮夫細研

膩粉

半錢

右以綿裹冷水一小盞浸一宿後每日三五上點之

又方

黃蘗

黃連

去鬚

梔子仁

各半兩

右細剉以水一大碗青汁一分煎十餘沸綿濾過溫
溫洗之日三兩度用之

治小兒綠目皆爛作瘡方

青錢

二十文

青鹽

一兩

右相和先以濕紙數重包又用泥裹候乾於猛火中燒令赤放冷剝去泥紙搗羅為散每取一棗豆許以津調塗瘡上

車前子丸 治小兒肝臟壅熱眼生瘡翳

車前子 甘菊花 芎藭 黃連去鬚 當歸切焙各一分

大黃濕紙裹煨 黃芩去黑心各半分

右為末煉蜜丸如棗豆大每服五七丸量兒大小加咸煎桑枝湯下

耳疾 總論

夫耳者宗脉之所聚腎氣之所通小兒腎臟盛而有熱氣上衝於耳津液壅結則生膿汁亦有因沐浴水入耳內水濕停積搏於血氣蘊結成熟亦令耳膿汁出皆謂之聾耳久不瘥則變成聾也聾耳者常有黃膿出是也膿耳者常有紅膿出是也伍耳者裏面瘡息是也纏耳者常有白膿出是也囊耳者裏面虛明時有青膿出是也雖有五般其病源一也皆由風水入耳而內有積熱

上壅而成此患若不速治久則成聾聵耳者小兒胎氣不充實關竅不通利蓋有稟賦不足胞養有虧臟傷腎經腎為根本水之一數也外應耳孔或云水入耳或曰乳食入耳要之皆非兒生氣脉根壯臟腑固實雖水及乳入耳必不作此自是氣不充脉不實使之然也兒無補腎之方但得清心肺而已初生之兒而有作尤甚重也卒難療理用藥傳摻少愈愈而復發至於過周與服黃耆白茯苓人參白芍藥川當歸熟地黃甘草等分作

湯劑以固其內內若固實不必摻傳亦自痊愈摻方用壁上蜘蛛一枚瓦上火乾垕子白礬腦子麝香各少許同研令勻雞羽引入自愈

耳聾

附論

夫小兒耳聾者是風入頭腦所為手太陽之經入於耳內頭腦有風邪隨氣入其脉盛與氣相薄風邪停積則令耳聾也

方

通鳴散 治小兒耳聾病

菖蒲

一寸九節者

遠志

去心各一兩

柴胡

去苗

麥門冬

去心

防風

去蘆頭半兩

細辛

一錢

甜葶藶

一錢

磁石

搗為末水淘去赤汁研

杏仁

十四箇浸去皮尖

右為細末研勻每服半錢葱白湯調下日二服大小加減食後

細辛膏 治小兒耳聾或因腦熱或因水入或因吹著

細辛 防風

川大黃

剉微炒

黃芩

以上各一分

川椒

十粒

去
目 蠟 半
兩

右為剉用清麻油三合煎紫色濾過下蠟候消為膏
每日三度用一大豆大點於耳中

治小兒風熱兩耳聾鳴方

遠志

去心

菖蒲

柴胡

去苗

甘草

炙微赤剉以
上各半兩

磁石

三分

搗碎水淘
去赤汁

麥門冬

半兩
心焙去

右羅為散每服以葱白湯調下半錢日二服量兒大

小加減

治小兒耳聾不瘥方

生地黄

一寸半

杏仁

七枚湯浸去皮

巴豆

七枚去皮

鹽

半錢

右同搗堪為丸即丸如蕤核大用髮薄裹內耳中日一易之若耳內痛有水出即去藥未効再用之

又方

杏仁

湯浸去皮

甜葶藶

一分鹽

各等分

右研如膏以少許猪脂和合煎令稠以綿裹如蕤核大塞耳中日一易之

又方

蓖麻子

一枚
去皮

棗肉

七枚

右搗如膏每取挺核大綿裹內於耳中日一易之

又方

取葱白於塘灰中煨令熟以葱白頭內耳中三易之

又方

搗芥子令爛以人乳和綿裹少許塞耳中日易之

又方

菖蒲末

松脂

烏油麻

各半兩

右相和搗熟綿裹如豇豆大塞入耳中日一易之

又方

菖蒲末

一分杏仁

半兩湯浸去皮
尖双仁研如泥

右相和以人乳調每用少許綿裹內於耳中日易之
治小兒耳聾立効方

取自死白頸地龍內蔥葉中麴裹蒸令熟以汁瀝

著耳中不過三度癢

聾耳 附論

夫耳者宗脉之所聚腎氣之所通小兒腎臟盛而有熱氣上衝於耳津液壅結則生膿汁亦有因沐浴水入耳內水濕停積搏於血氣蘊結成熟亦令膿汁出皆謂之聾耳久不瘥則變成聾也

方

紅藍花散 治小兒聾耳病不瘥

紅藍花

洗

黃栢

各一兩

烏魚骨

黃芩

各半兩

雄黃

細研

半兩

麝香

一分研

右研細以綿纏搵藥塞耳中日再換

黃連散

治小兒聾耳久不瘥

黃連

去鬚

白欽

赤石脂

龍骨

烏賊魚骨

以上各半

兩

右羅為散綿裹如棗核大塞耳中濕即更易之

明礬散 治腎經有熱上衝於耳遂使津液壅滯為稠

膿為清汁耳內痛亦有沐浴水入耳中濕氣停滯為膿但不疼二證久不瘥變成聾

明礬

煨

龍骨

研各三錢

黃丹

煨二錢

胭脂

一錢

麝香

少許並為末

右先以綿杖取去水次以鵝毛管吹藥於耳本方加海螵蛸末亦好

龍黃散

治小兒聾耳汁出不止

一名白礬散

白礬灰

龍骨末

黃丹

各半兩炒

麝香

一分研

右同研令細先以綿杖子展却耳中膿水用散一字

半分為兩處摻在耳內日二用之勿令風入一方竹
蚬末一分

花臘脂膏 治小兒疳耳常出膿水不止

花臘脂

白龍骨

白礬灰

白石脂

各半兩

右研如粉用棗瓢和丸如棗大以綿裹一丸內耳中日
三換之

竹蚬散 治小兒疳耳出濃汁疼痛不可忍者

竹蚬糞

一兩

白礬

熬令枯半兩

雄黃

二錢

麝香

一字

右同研勻細先用棉裹杖子拭乾耳中次以藥少許
摻之

赤石脂散 治小兒聾耳膿血塞耳

赤石脂

白礬

熱令
汁枯

黃連

去
鬚

烏賊魚骨

去甲各
一分

右為散每用少許綿裹塞耳中大人可用一錢一方

無赤石脂有龍骨

白礬灰散 治小兒聾耳有膿血疼痛不止

白礬灰

黃蘗

烏賊魚骨

龍骨

以上各
半兩

右搗為散以綿裹柳枝展去膿血盡乾摻藥末於耳
內日二三用之

礬脂散 治聾耳膿水不絕

白礬

熱令
汁枯

松脂

木香

花胭脂

各一
分

右為散每用綿拭膿後滿耳填藥

金箔散 治小兒聾耳常出膿水不止

白礬灰

花臘脂

各半
兩

金箔

七片

右同研令勻細末日三四度摻少許入耳中

治小兒聾耳汁出方

黃連

二分
去鬚

龍骨

三分

烏賊魚骨

半兩

右羅為散每服少許以綿裹內耳中日三四度易之

雄黃散

治小兒聾耳汁出沾外邊生惡瘡癰肉

雄黃

半兩
細研

黃芩末

一分

曾青

一分
細研

右研令勻以綿裹豉豆大塞耳中日再換之更以少

許摻外瘡上

黃礬散

治小兒聾耳出膿水

黃礬

半兩

烏賊魚骨

一分

黃連

一分

去鬚

右羅為末綿裹如棗核大塞耳中日三易之

蜜陀僧散 治小兒聾耳

蜜陀僧

白礬

灰

夜明沙

微炒各一分

右研細末令用少許乾摻日三上用之

紅白散 治小兒耳聾膿出久不瘥者兼聾耳膿耳

一名通雲散

一名紅玉散

白礬

熱令汁枯

染胭脂

各一

錢

麝香

一字

右為細末先以綿杖子纏去膿極乾用藥半錢摻之
不過三兩次又以鵝毛管吹藥入耳

如聖散 治小兒水入耳內膿出疼痛日夜不止

箭簞內艸末

如有同子燕
令細用三錢

膩粉

麝香

各一錢
研

右為細末先以綿杖子拭乾耳取藥三刺子深摻入
耳以綿塞定如覺刺割即是惡物要出去綿側耳令
出甚者三度瘥大人亦可用

狼牙散 治聾耳有膿水

狼牙

白欬

竹蛀屑

各一分

右搗研細每用少許摻耳內

雄黃散

治小兒聾耳有瘡及耳中惡肉并通耳

白麻稽取皮

一合

花胭脂

十顆

右細研傅耳中令滿一兩度瘡止此方中無雄黃未詳其名亦可用少許為佳

治小兒聾耳久不瘥

桂心

一分青羊糞

一分炒令轉色

右研為散取一字以綿裹塞耳中瘥

夜明沙散 治小兒睇耳

夜明沙

二錢麝香一字

右同研極細先以綿杖子拭去膿用藥半錢摻入耳

中

治小兒睇耳方

右以硫黃末粉耳中日一夜一即瘥

治小兒睇耳方

用桃仁熟末以綿裹塞耳

治小兒通耳方

取蟲食荊子中白粉和油滴耳中日再

治小兒聾耳方

用青羊糞暴乾以綿裹塞耳中瘥

又方

用生薑汁滴耳中神驗

又方

以桑樹上毒蜂炙黃搗羅為散空腹以溫酒調下
半錢大人服二服

又方

以陳橘皮燒為灰細研取少許綿裹塞耳中

又方

取鰲魚枕骨燒灰細研如粉每用一字內在耳中
日二上用之

又方

研葦汁點之日二三度用之

又方

取狼牙搗為末以輕踈生絹裹塞耳中

又方

用杏仁爛研為膏以亂髮裹塞耳日三易之

又方

取釜下墨綿裹塞耳中瘥

治小兒患聾耳出膿水成瘡汚方

以蚯蚓屎研末傅之兼吹入耳中効

螵蛸散 治大人小兒聾耳大妙

用桑螵蛸須桑上者微炙末之用一味入麝香少許同研先用物拭膿淨然後摻藥一方用葦管挑藥吹入耳內三五次即住膿水

竹蠹散 治小兒聾耳瘡膿

苦竹蛀錢末二白礬二錢乾胭脂半錢麝香一字

右為細末先以綿珠兒搵之不盡不妨然後以鵝毛

管子輕輕吹一字入耳中甚妙

麝香散 治小兒疳耳

蜘蛛一箇 坯子

半錢 真麝香 五十文

右同研乾為末每用一鑷頭以鵝毛管吹入耳即乾
又方 治大人小兒疳耳大妙

用五倍子三錢入麝香少許碾細末如前吹耳內
如用紙撚蘸藥入耳亦可

治小兒疳耳

以臘脂滴耳中

耳瘡 附論

夫小兒耳瘡者瘡生於兩耳時瘥時發亦有膿汁如此是風濕搏於血氣所生世亦呼之為月蝕瘡也

方

香礬散 治小兒耳瘡

白礬

一兩
燒灰

蛇床子

一錢

麝香

一錢
研

右為末拌勻每用一字搽瘡上

白歛散 治小兒凍耳成瘡或痒或痛

黃栢

白歛

各半兩

右為末先以湯洗瘡後用生油調塗

椒豉散

豆豉

三兩炒黑焦

生椒

三兩去目

右為末以津調看多少傅之立効

白礬散 治小兒耳瘡及頭瘡口邊肥瘡蝟瘡

白礬

一兩燒灰

蛇床子

一兩

右同研為散乾糝於瘡上立効

治小兒耳内生瘡汁出方

白礬灰

一錢麝香一字

右同研令細少少摻於耳內

治小兒耳瘡

燒馬骨灰傅之

又方

燒鷄屎白筒中吹之一方鷄糞白炒黃為末傅之

又方

用大蒜研令爛塗之

治小兒因築磕損耳耳內有瘡汁出不止方

右取胡桃搗肉取油用滴耳內即止

又方

取肉机上垢傳之良

鐵液酒 治小兒十歲以上耳聾并膿耳及耳後生瘡

瘡

以鐵燒令赤投酒中服之以真磁石塞耳內大人亦治又雄黃硫黃為末綿裹塞耳內又舶上硫黃為末內耳中治膿耳先綿摗淨用即瘥又治耳後月蝕瘡并疳瘡胡粉炒用麻油調塗於瘡上

百蟲入耳

方

桃心塞耳方 治小兒蟲入耳

桃心葉

二七
葉焙胡麻子一升
炒

右先以桃葉塞耳中其蟲必出如不出以胡麻子炒
令香用葛袋盛枕頭耳中蟲即出

治小兒飛蟲入耳不出方 一名追毒膏

白礬

如蓮子
大一塊雄黃 如蓮子
大一塊

右研如麴以生油調滴入耳中蟲出即止

治小兒百蟲入耳方

蟲之類能入耳者不獨蛭蚰如壁虱螢火蟲叩頭蟲
皂角蟲皆能為害有人患腦痛為蟲所食或教桃葉

不拘多少洗淨暴乾以為枕睡其蟲自鼻出形為鷹
嘴人莫知其名有人蜈蚣入耳遇其極時以頭撞柱
血流不知云痒不可忍蜈蚣入耳往往食髓至盡又
能孳生凡蟲麻油灌妙一方塞兩耳蟲即出

又方

用好米醋灌少許起行即出

又方

以生薑汁灌之即出

又方

搗韭汁灌之即出

又方

右閉氣以蘆管使人吹耳中即出

又方

搗藍青汁以灌之良

又方

以葱涕灌耳中即出一方用生葱搗研自然汁灌

之即出

又方

以銅錢二七文用猪膏四兩煎之良久將用灌之
即出

又方

以兩刀於耳前相敲出聲蟲即出

治蜈蚣入耳方

熬胡麻搗以葛囊盛枕之即出

又方

以水銀大豆許瀉入耳中欹卧空耳向下擊銅器叩齒十下即出蜈蚣呼為土蛭似蜈蚣黃色細長者是也

又方

以牛酪滿耳灌之即出若入腹食酪三升為黃水消出不盡更服神効

治小兒蟻子入耳方

炙脂肉令安耳邊即出

治蜈蚣入耳方

以桑樹葉裹血炙令熱以掩耳冷則換之立出

雄黃油 治小兒飛蟲入耳

用雄黃一分研細麻油調抹耳中

蜈蚣諸蟲入耳

用米醋調雄黃末灌之桃葉塞耳中其蟲自出

又方 治諸蟲入耳

蝸牛為末吹入耳中紙糊耳蟲自出

鼻塞不通

附論

夫鼻塞者小兒稟賦胎氣充實三關九竅五臟六腑內外呼吸上下貫通流行百脉正順三焦者皆由所協原命自然之氣也凡產牙兒三朝五日六晨一臘忽然鼻塞吻乳不能開口呼吸者多是乳母安睡之時不知持上兒子鼻出息吹著兒顙或以水浴洗用水溫冷不避風邪所以致兒鼻塞宜與通關膏傳之消風散服之或有

驚悸作熱以薄荷散與服通關膏用白殭蠶猪牙皂角
荊芥香附子川芎細辛等分為末葱白同研傅顙至妙
小兒鼻塞者此由肺氣通於鼻氣為陽諸陽之氣上榮
頭面其氣不宣利受風冷之氣入於頭腦停滯鼻間則
氣不宣利結聚不通故鼻塞也

方

通關散 治乳幼被母鼻息吹着顙令兒鼻塞不能吮
乳

香附子

炒三分

川芎

七分

荊芥

四分

白殭蠶

炒三分

細辛莖

二分 猪牙皂角

一分

右為末取生葱白去鬚搗調藥塗顙門上

細辛膏 治小兒鼻塞不通

細辛

半兩

木通

半兩

辛夷

半兩

杏仁

三分

湯浸去

皮尖雙仁

右剉碎以羊髓猪脂各三合兼藥相和入於銚子內
慢火上熬候藥色黃赤絞去滓於瓷器中貯之日三
四度以少許塗於鼻內

木香膏 治小兒鼻塞不通喫乳不得

木香

半兩

零陵香

半兩

細辛

三分

右羅為末用醖醐三合與藥相和入銚子內慢火煎令極香絞去滓收甕合中日三度取少許塗頭上及鼻中一方無細辛

治小兒鼻塞及生瘰癧方

通草

半兩

細辛

半兩

右羅為散以綿裹少許內鼻中日三易之

治小兒頭熱鼻塞不通方

羊髓

三兩

薰草

一兩
剉

右藥於銚子中慢火上熬成膏去滓於瓷器中貯之
日三四上以膏摩背

天南星散 治顛開不合鼻塞不通

用天南星大者微泡去皮為細末淡醋調塗緋帛
上貼顛上火炙熱手頻熨之一方用生薑自然汁
調名貼顛藥治小兒百日内傷風鼻塞服藥不退

者是出胎時被風吹所以有此

治小兒頭熱鼻塞不通方

取濕地龍糞捻作餅子貼顙門上日三二易之

治小兒鼻乾塞身熱方

用韭根搗取汁澄清每用少許滴於兩鼻中日二
用之

葱涎膏 治初生肺壅鼻塞乳食不下

用牙皂草烏取葱涎杵成膏點顙上

丹參膏

治小兒鼻塞不通利

丹參

細辛

去苗
葉

芎藭

當歸

剉
焙

桂

去
皮
麝

防風

去
叉

各一
兩

蜀椒

去目并閉口
者炒出汁

乾薑

炮各
半兩

右剉如麻豆大猪脂五兩羊髓五兩與藥相和入銚
子內慢火熬候藥黃枯色取下絞去滓貯甕器中每
以大豆許內鼻中日三

辛夷膏

治小兒鼻塞病

辛夷葉

一兩

細辛

木通

香白芷

木香

各半
兩

杏仁

一分去
皮尖

右用羊髓猪脂二兩同諸藥相和於石器中慢火熬
赤黃色令冷入龍腦麝香各一錢拌勻每用少許塗
鼻中若乳下嬰兒妳母吹著兒顙鼻塞者只塗顙上
白芷膏 治小兒顙氣虛腫鼻息不通

白芷

細辛

去苗
葉

木通

剉

當歸

切焙各
半兩

右剉如麻豆大以羊髓四兩與藥相和同入銚子內
慢火熬候白芷黃成膏絞去滓貯甕器中每用少許

傳顙上薰內鼻

大黃丸 治鼻塞閉

大黃 黃芩

各一兩

右為末煉蜜丸菜豆大每服五丸至十丸溫蜜水化下量大小以意加減無時服

小兒鼻艱塞

附論

夫肺氣通鼻鼻和則知臭小兒鼻艱塞者肺氣不利也肺主氣諸陽之氣上榮頭面其氣不和風冷乘虛客於

腦與氣停滯搏於津液鼻道壅遏膿涕結聚則鼻不聞香臭謂之鼻艱也故為鼻艱塞

方

黃連丸 治小兒艱鼻

黃連

去鬚一兩

艾葉

炒

升麻

各三分

防風

去叉半兩

朴硝

二兩

大黃

判炒三分

右為細末煉蜜和更搗三百下丸如菉豆大每服三五丸溫水下食後臨卧服隨兒大小加減

清肺膏 治艷鼻病

瓜蒂

半兩

赤小豆

一分

附子

一箇炮去皮臍

甘草

一分

細辛

一分

右為末入龍腦一錢研勻煉蜜和丸如皂子大綿裹
內鼻中

龍腦散 治小兒鼻艷不聞香臭

龍腦

研一字

瓜蒂

四枚

赤小豆

七粒

黃連

去鬚半錢

右先以三味為細散入研者藥和勻臨卧取粟米許
吹入鼻中少頃有清水出

又方

木通

剉

細辛

附子

去皮臍
生用

甘草

生用各
一分

右羅為末煉蜜丸如梧桐子大綿裹一丸內鼻中日
再用之

治鼻艱生瘰肉方

瓜蒂

三十
枚

細辛

一分

右羅為散以綿裹如小豆大內鼻中日三易之

鼻衄附論

夫小兒經脉血氣有熱喜令鼻衄夫血隨氣循行經脉通遊腑臟若冷熱調和行依其常度無有壅滯亦不流溢也血性得寒則凝澀結聚得熱則散流妄行小兒熱氣盛者熱乘於血血隨氣發溢於鼻者謂之鼻衄凡人血虛受熱則血失其常發溢漫行及至發於七竅謂之大衄也

方

五味麥冬湯

治少小百日傷寒身熱鼻衄嘔逆

麥門冬

去心

石膏

寒水石

各三分

甘草

二分

桂心

一分

右藥切以水一升煮取八合分服効

升麻散

治小兒鼻衄或唾血

川升麻

半兩

羚羊角屑

甘草

炙微赤判

黃芩

赤芍藥

以上各一分

右搗為散每服一錢水一小盞入淡竹葉七片煎至五分去滓入地黃汁半合更煎一兩沸不計時候量兒大小分減溫服

生地黃煎 治小兒鼻衄不止

生地黃

半斤取汁

刺薊

半斤取汁

杏仁

一兩湯浸去皮尖
雙仁麩炒黃別研

阿膠

半兩搗碎炒
令黃燥為末

蜜一合

右都入銀鍋內以慢火熬為膏不計時候用新汲水調下一錢量兒大小加減服之

入方

刺薊

半兩

亂髮灰

一分

蒲黃

半兩

右羅為散每服以冷水調下半錢不計時候量兒大

小加減服之

桂心散 治小兒鼻衄心悶

桂心

一分 亂髮灰

一分 乾薑

半分 炮裂判

右羅為散不計時候以冷水調下半錢更隨兒大小

加減

又方

刺薊汁

二合

地黄汁

二合

生薑汁

少許

右調令勻徐徐服半合仍將滓塞鼻即瘥

梔子仁散 治小兒卒熱毒氣攻腦鼻衄

梔子仁

一兩 槐花 半兩 微炒

右羅為散不計時候用溫水調下半錢量兒大小加

減

治小兒鼻衄不止方

亂頭髮

半兩

伏龍肝

一兩

右研令勻不計時候以新汲水調下半錢量兒大小

加減

治人少小鼻衄小勞輒出

用桑耳無問多少熬令焦搗末每衄發輒以杏仁
大塞鼻數度即可斷止一方燒末於鼻孔中為丸
內亦得一方以冷水調下半錢大小加減

鼻衄方

右以生蘿蔔為汁仰頭滴下鼻仍飲其汁

療小兒鼻衄不止方

以馬矢綿裹塞鼻孔中

又方

用燒髮灰末吹鼻孔中亦佳一方加山梔子

又方

單服白馬糞汁三合甚良

小兒腦熱鼻乾無涕

附論

夫肺氣通於鼻鼻上通於腦腦髓下滲而為涕故涕為肺液而其出從鼻小兒肺臟壅滯內有積熱上攻於腦津液內涸故令鼻乾無涕也

方

柴胡煎 治小兒頭熱肺壅鼻乾無涕喘息不得

柴胡

去苗

麻黃

去根節湯煮掠去沫

甘草

木通

剉

紫苑

去苗土

五味子

大青

乾百合

各一兩半

款冬花

藍葉

人參

赤茯苓

去黑皮各三分

大黃

剉半兩

酥

一斤

蜜

煉熟去白沫一

斤

右除酥蜜外細剉水七升慢火煎至三升去滓入酥
蜜同熬成煎菴器盛五六歲兒食後熱水調下一錢

日三看病輕重量大小加減

藁本湯

治小兒腦熱鼻乾無涕

藁本

去苗土
判一分

羚羊角 鎊防風

去人各
一分

芎藭

菊花

去萼
燼

細辛

去苗
葉

白朮

人參

柴胡

去苗

白茯苓

微
炒

山梔子仁

白茯苓

去黑皮
各半兩

甘草

炙

黃芩

去黑心
各一分

右粗搗篩每服一錢水七分入青竹葉五片同煎至

四分去滓澄清放溫細呷食後日再

犀角散

治小兒腦熱鼻乾無涕

犀角

鎔半兩

升麻

惡實

微炒各一兩

麥門冬

去心焙

茯神

去木百合

桑根白皮

炙判

大黃

炒判

柴胡

去苗

甘草

炙判

梔子仁

枳殼

麩炒各半兩

桔梗

炒

黃芩

去黑心各一分

右麤搗篩每服一錢水七分煎至四分去滓放溫食

後臨臥服

牛黃散

治小兒心肺壅熱腦乾無涕時有煩躁

牛黃

一分細研

黃連

半兩去鬚

赤茯苓

半兩

犀角屑

半兩

鈎霜

半兩

研

麥門冬

一兩去心焙

硃砂

半兩研

馬牙硝

半兩

龍腦

半兩細研

甘草

一分炙
微赤判

川升麻

半兩

子芩

半兩

右為散入研了藥都研令勻不計時候用溫蜜水調
下半錢量兒大小加減

茯神湯

治小兒腦熱鼻乾無涕

茯神

去木

栝樓根

麥門冬

去心各

一兩

薤活

去頭

葛根

剉黃耆

剉一兩半

生乾地黃

洗焙三兩

酸棗仁

炒半兩

羚羊角

一各
分

右麤搗篩每服一錢水七分煎藥良久煎至四分去

滓放溫服日三食後良久

犀角散 治小兒心肺氣壅腦熱鼻乾心神煩躁大小

腸不利

犀角屑

黃耆

剉

麥門冬

去心焙
半兩

赤芍

藥

枳殼

麩炒微黃
去瓢

木通

剉

甘草

炙微赤剉以
上各一分

川大

黃

半兩剉
微炒

右為散每服一錢水一小盞煎至五分不計時候量

兒大小加減溫服

木通散

治小兒腦熱口乾無涕心躁眠卧不安

木通

剉

川麻黃

麥門冬

半兩去心焙

知母

犀角屑

杏仁

湯浸去皮尖双仁麩炒微黃

甘草

炙微赤以

梔子仁

三枚

右搗為散每服一錢水一小盞煎至五分去滓不拘

時量兒大小加減溫服

射干散

治小兒心肺壅熱鼻乾無涕咽喉不利少欲

乳食

射干 川麻子

麥門冬

半兩去心焙

黃連

去鹽

犀角屑

子芩 甘草

炙微赤剉以
上各一分

柴胡

半兩
去苗

右為散每服一錢水一小盞煎至五分不計時量兒
大小加減溫服

犀角升麻散 治小兒腦熱肺壅鼻乾病

犀角

一兩

馬牙硝

升麻

黃連

各半兩

硃砂

半兩

牛黃

一分並
研細

右為細末每服半錢蜜湯調下乳食前

天門冬散 治小兒肺壅腦熱鼻乾無涕大腸秘澀眠

臥心躁

天門冬

半兩去心焙

桑根白皮

剉

川麻子

枳殼

麩炒微黃

去 甘草

炙微赤剉以

川大黃

半兩剉微炒

右為散每服一錢水一小盞煎至五分不計時量兒

大小加減溫服

黃芩湯

治小兒腦熱鼻乾燥常閉目

黃芩

去黑心

青箱子

大黃

剉炒各半兩

蜀漆

甘草

炙各

一分

右麤搗篩五六歲兒每服一錢水一小盞煎至五分
去滓放溫食後日二服量兒大小加減

大黃湯 治小兒腦熱鼻乾無涕

大黃

判炒

柴胡

去苗

防風

去叉

甘草

炙各

一分

右搗篩每服一錢水七分煎至三分去滓放溫食後
臨臥各一服量兒大小加減

貼頂散 治小兒鼻乾腦熱

地膽草

半兩

芒硝

一分

地龍糞

半兩

黃蘗

右羅為散以猪膽汁和濕作餅子兩枚更互貼于顙門上

升麻丸

治小兒腦熱鼻乾無涕

升麻

防風

去

梔子仁

各半兩

右為末清羊腦髓和丸如麻子大一二歲每服三丸溫熱水研化下食後午時臨卧各一服量兒大小加

減

吹鼻散

治小兒腦熱無涕

蚘蛇膽

一分蟾酥一分
豆大硝石一分

右研如粉每取少許吹入鼻中尤良

白礬塗方

治小兒腦熱鼻乾

白礬

生黃米粉各一
兩

右每用一錢清水半合調如泥塗腦上日三

黃連汁

治小兒腦熱黃瘦

用黃連半兩麤搗為末童子小便一盞浸一宿每

日取清汁半合服之量兒大小加減

治小兒腦熱

以蚺蛇膽小漬注鼻中

小兒鼻多濁涕

附論

夫人之津液涕唾得熱則燥涸得冷則流溢小兒因解脫不時風冷傷於肺經或冷中顛戶皆令兒涕液不收蓋肺氣通於鼻腦液下通於鼻故也

方

前胡橘皮湯 治小兒肺傷冷鼻流濁涕

前胡

去蘆頭

陳橘皮

湯浸去白焙各半兩

白茯苓

去黑皮

桂

去麋皮

白朮

人參

細辛

去苗葉

甘草

炙各一分

右麋搗篩每服一錢水一盞煎至五分去滓溫服日

三隨兒大小加減

防風湯

一名甘菊湯

治小兒腦戶傷風冷鼻多濁涕精神昏

悶

防風

去叉

甘菊花

擇白朮

人參

細辛

去苗葉

白茯苓

苓

去黑皮

甘草

炙剉各一分

右麤搗篩每服一錢水一盞入生薑少許同煎至五

分去滓溫服不拘時量大小加減

菊花散 治小兒鼻塞多涕等病

甘菊

防風

前胡

各一兩

細辛

桂心

各半兩

甘草

一分

右為細末每半錢研入乳香少許煎荊芥湯調下乳
後

人參散 治小兒肺塞鼻多清涕精神不爽少欲乳食

人參

去蘆頭

前胡

去蘆頭

杏仁

湯浸去皮尖雙仁
麩炒微黃

桂心

甘草

炙微赤判以上各一分

右搗為散每一錢水一小盞入生薑少許棗一枚煎

至五分去滓不拘時量兒大小加減溫服

甘菊花湯

治小兒鼻濁涕是腦門為風冷所乘

甘菊花

擇甘草

炙各一分

防風

去叉半兩

山茱萸

七枚

右麤搗篩每服一錢水一盞煎至六分去滓分溫三

服早晨日午晚後各一更量大小加減

杏仁膏 治小兒鼻塞多涕

杏仁

湯浸去皮尖
双仁炒半兩

蜀椒

去目并閉口
者炒出汗

附子

炮裂去
皮臍

細辛

去苗葉
各一兩

右除椒外剉如麻豆大以醋五合漬藥一宿明旦以

猪脂半斤與藥相和入銚子內慢火同熬候附子黃

成膏去滓取出貯薊器內候冷取塗鼻中兼摩頂上

日三五度

細辛膏塗方

治小兒風冷傷顙鼻塞不通多涕

細辛末

一兩 二合 麻油

右以油煎細辛令微黑入蠟半兩候消令凝每日薄

塗顙上日三易

鼻痔瘡

方

涼膈飲子

一名清肺飲子

治壅鼻清肺

桑白皮

地骨皮

黃芩

生乾地黃

各等分

右以水煎去滓食後大小加減服

石膽散

治鼻乾病疳蟲上蝕於鼻赤痒及連唇生瘡

赤爛

石膽

一兩

頭髮

燒灰細研

菰若子

半兩生用

地龍

一分洗淨

右為細末入麝香一錢同研勻每服一字貼於瘡上

二黃散

治小兒腦冷漿水溜下從口鼻出氣息甚惡

久不瘥能害命大人同治仙方也

硫黃

好者

黃丹

炒

香白芷

右等分為末少許吹鼻內三五次即瘥

治鼻疳

右先用甘草白礬水洗淨後摻蘆薈黃連黃蘗末
日三上

治小兒鼻下兩道赤者名曰壘亦名赤鼻疳鼻

右以米泔水洗傳黃連末日三度佳亦治月蝕瘡
治小兒鼻下瘡

用牛卷草燒之為屑傳之

一方 治腦疳鼻痒毛髮作穗肌肉羸瘦

用鯽魚膽滴於鼻中連用三五日甚妙

一方 治疳瘡蟲蝕鼻中

用熊膽水調化塗鼻中

欽瘡方 如先服前藥已多方用此傳為驗

青黛末 當歸 赤小豆 瓜蒂 地榆 黃連

蘆薈 等分

右為末入雄黃末傳之

化毒丸 治鼻蠟

玄參

兩

桔梗

兩

赤茯苓

分

人參

分

牙硝

分

青黛

分

甘草

分

麝香

字

金銀箔

分

右件除牙硝金銀箔麝香別研外次和青黛煉蜜丸

如芡實大薄荷湯化下

麝香散

治鼻瘡疳侵蝕鼻柱

麝香

草烏頭

燒灰

右等分研細貼之

普濟方卷三百六十四